

The Electronic Manipulus florum
www.manipulusflorum.com

Prosperitas a
cum fonte primo

Tulit te a conspectu uite salubris
rapida prosperitas.

Tulit te longe a conspectu vitae salubris
rapida felicitas,
provincia et procuratio et quicquid ab
istis promittitur; maiora deinde officia te
excipient et ex aliis alia: quis exitus erit?
quid expectas donec desinas habere quod
cupias? numquam erit tempus.

Lucius Annaeus Seneca, *Ad Lucilium
epistulae morales*, 19, 5-6 (L. Reynolds
ed., vol.1, p.51, ll.11-15).

Ingeniosus fuit Mecenas, magnum ←
exemplum eloquacie datus
nisi illum felicitas
castrasset.

Seneca XIX. epistola.

Volo tibi hoc loco referre dictum
→ Maecenatis vera in ipso eculeo elocuti:
'ipsa enim altitudo attonat summa'. Si
quaeris in quo libro dixerit, in eo qui
Prometheus inscribitur. Hoc voluit
dicere, attonita habet summa. Est ergo
tanti ulla potentia ut sit tibi tam ebrius
sermo?
Ingeniosus ille vir fuit, magnum
exemplum Romanae eloquentiae datus
nisi illum enervasset felicitas,
immo castrasset.

Lucius Annaeus Seneca, *Ad Lucilium
epistulae morales*, 19, 9 (L. Reynolds
ed., vol.1, p.52, ll.6-13).